

الفيديو الثامن: القطعة الثالثة

1- لو لسا ما سمعتش درس (الممنوع من الصرف) في فقرة (فنيات القطع) روح اسمعه ... وكذلك (كشف المعجم 2) اللي اتكلما فيه عن ازاى تعرف أصل حرف العلة واو ولا ياء.

الفيديو التاسع: المبتدأ والخبر 1

1- قلنا المبتدأ هو اللي بنبدأ بيه والخبر هو اللي أنا عايز أخبرك بيه ويتسأل عنه بكلمة (ماله) ... ومش لازم الخبر يبيجي ورا المبتدأ ع طول ممكن يبيجي السطر اللي بعده زي لما أقول (صديقك الذي قابلته بالأمس وتناولتما الطعام معا شخص مهذب) ... كلمة (شخص) هنا خبر.

2- أنواع الخبر أنت عارفهم لكن افكر الفرق بين (الحديقة أزهارها جميلة) وأنها مبتدأ أول ثم مبتدأ ثان ثم خبر ... ونوع الخبر جملة اسمية وبين لما أقولك (الحديقة جميلة أزهارها) وأن الحديقة مبتدأ وجميلة خبر وأزهارها فاعل ... ونوع الخبر المرادي مفرد.

3- إن لما أقولك جملة زي (الطيور لها أجنحة) ... بنقول الطيور مبتدأ أول و(لها أجنحة) دي خبر جملة اسمية ... عبارة عن (لها) جر ومجرور وشبه الجملة في محل خبر مقدم للمبتدأ الثاني ... و(أجنحة) مبتدأ ثان مؤخر.

الفيديو العاشر: المبتدأ والخبر 2

1- الخبر ممكن يتعدد زي لما أقول (محمد مجتهد مؤدب مهذب) ... هنا فيه خبر أول وثان وثالث ... وما ينفعش أقول نعت لأن الصفة ما توصفش صفة زيتها.

2- لو قلناك (محمد طالب مجتهد مؤدب مهذب) ... هنا دا مش تعدد خبر لأنهم ينفع يوصفوا (طالب) وكدة (طالب) خبر ... ثم الباقي كل واحدة فيهم نعت لكلمة (طالب).

3- لما أقول (جيشنا القوي ولا ينكر أحد ذلك) ... هنا (القوي) خبر لأن ما فيش حاجة تقوم بدور الخبر غيرها ... لكن لو قلت (جيشنا القوي انتصر ولا ينكر أحد ذلك) المرادي هنا (القوي) نعت عشان عندي حاجة تقوم بدور الخبر وهي (انتصر).

4- (ذلك الطالب مجتهد) ... هنا (الطالب) بدل.

5- (ذلك الطالب المجتهد) ... هنا (الطالب) خبر.

الفيديو الحادي عشر: تأخير المبتدأ

حالات تأخير المبتدأ وجوبا:

1- (في المدرسة ولد) ... مؤخر وجوبا ... إنما (في المدرسة الولد) ... مؤخر جوازا.

2- (في المدرسة طلابها) ... مؤخر وجوبا ... إنما (في المدرسة طلابي) .. مؤخر جوازا.

3- (متى - أين - كيف - ثم وثمة) معناهم هناك ... اسمهم كلمات لها الصدارة وبعدهم مبتدأ مؤخر وجوبا.

4- (إنما على رسولنا البلاغ المبين) – (ما على رسولنا إلا البلاغ المبين) ... هنا المبتدأ مؤخر وجوبا عشان دا أسلوب قصر.

5- المخصوص بالمدح والذم مع (نعم وبئس) مؤخر جوازا ... إنما مع (حبذا ولا حبذا) مؤخر وجوبا.

الفيديو الثاني عشر: حذف المبتدأ والخبر.

- من أهم حالات حذف الخبر هي بعد (لولا) زي لو قلت (لولا القائد لهزمنا) ... فكلما (القائد) مبتدأ والخبر محذوف تقديره (موجود) دايما ... ودي أول حالة تدور عليه في الاستخراجات.

عندك بردو حالة واو المصاحبة زي (كل طالب وورقته) ... هنا (كل) مبتدأ خبره محذوف تقديره متلازمان ومقترنان وعندك القسم بالكلمات (لعمرى – يمين الله – ايم الله – ايمن الله) وكل اللي تحتهم خط مبتدأ والخبر محذوف تقديره (قسم).

- من أهم حالات حذف المبتدأ هو المخصوص بالمدح والذم زي لما أقولك (نعم صفة الصدق) هنا (الصدق) خبر لمبتدأ محذوف تقديره (هو).

عندك بردو جملة (صبر جميل – سمع وطاعة) ... بنعرب اللي تحتهم خط خبر لمبتدأ محذوف تقديره (حالي أو أمري) وكذلك القسم بكلمات زي (في ذمتي – بحياتي – في عنقي – في عهدي) ... وكلهم شبه جملة في محل خبر لمبتدأ محذوف تقديره (قسم).

الفيديو الرابع عشر: الجملة الاسمية الوصفية.

- لما أعرب (ما/هل قائم أحمد) ... بعرب (قائم) مبتدأ ... (أحمد) فاعل سد مسد الخبر... ولو قلت (ما مذموم الصادق) هنا (مذموم) مبتدأ .. (الصادق) نائب فاعل سد مسد الخبر.

عشان أقول كدة لازم يبجي قبلهم نفي أو استفهام.

- إنما لو ما جاش نفي واستفهام وكانت الجملة (قائم أحمد) هنعرب (قائم) خبر مقدم (أحمد) مبتدأ مؤخر.